

Ribarijada '83

Krajem maja u Prnjavoru je održan Treći susret ribarskih radnika zaposlenih u RO »Riboprodukt«, Prijedor pod nazivom »Ribarijada '83«. Njih 250 iz ribnjaka Bardača, Saničani i Prnjavor, te prometne organizacije »Šaran« iz Bos. Gradiške je u sportskom dijelu ovih susreta pokušalo da pokaže tko je bolji. Međutim ni jedan susret, pa ni ovaj, nije prošao bez dobre trpeze, te izvanredne bosanske muzike, a sve zahvaljujući izvanrednoj organizaciji domaćina ribnjaka Prnjavor. Ovim susretima, koji pomalo prelaze u tradiciju, ove godine je prisustvovalo i 40 radnika Ribarskog gazdinstva Beograd, koji su u znak zahvalnosti na toplom i drugarskom prijemu predali domaćinu sliku u ribarskom stilu. Također je dogovoreno da i iduće godine radnici Ribarskog gazdinstva budu gosti susreta bosanskih ribara, koji će se održati u Bos. Gradišci.

Ovu izvanredno lijepu manifestaciju drugarstva i prijateljstva otvorio je domaćin drug Drago Jovičić koji je između ostalog rekao:

»Želim da druženje ribara naše radne organizacije protekne pre svega u duhu bratstva i jedinstva, te prijateljskog zblizavanja svih zaposlenih, koji se nalaze u 4 OOUR-a na području 4 komuna Bosanske Krajine. Mi smo kao domaćini nastojali, poštujući stabilizaciju, da učinimo vaš boravak u našoj sredini što ljepšim, te da vam ostane što duže u sjećanju«.

Nakon uvodne riječi domaćina predsjednik IO SS RO »Riboprodukt«, Prijedor drugarica Mandić Desa je proglasila igre otvorenim.

Poslije ovog dijela susreta počelo je takmičenje u slijedećim disciplinama:

- bacanje kamena s ramena
- navlačenje konopca
- mali nogomet
- šah
- streljaštvo za žene
- veslanje

Cijeli tok takmičenja pratila je takmičarska komisija koja je na kraju proglasila pobjednike.

Ti rezultati izgledaju ovako:

Bacanje kamena s ramena:

- | | |
|-------------------------|------------|
| 1. mjesto OOUR BARDAČA | sa 3 boda |
| 2. mjesto OOUR SANIČANI | sa 2 boda |
| 3. mjesto OOUR PRNJAVOR | sa 1 bodom |

Navlačenje konopca:

- | | |
|-------------------------|------------|
| 1. mjesto OOUR BARDAČA | sa 3 boda |
| 2. mjesto OOUR SANIČANI | sa 2 boda |
| 3. mjesto OOUR PRNJAVOR | sa 1 bodom |

Mali nogomet:

- | | |
|-------------------------|------------|
| 1. mjesto OOUR BARDAČA | sa 3 boda |
| 2. mjesto OOUR PRNJAVOR | sa 2 boda |
| 3. mjesto OOUR ŠARAN | sa 1 bodom |

Šah:

- | | |
|-------------------------|------------|
| 1. mjesto OOUR PRNJAVOR | sa 3 boda |
| 2. mjesto OOUR BARDAČA | sa 2 boda |
| 3. mjesto OOUR SANIČANI | sa 1 bodom |

Streljaštvo za žene:

- | | |
|-------------------------|------------|
| 1. mjesto OOUR PRNJAVOR | sa 3 boda |
| 2. mjesto OOUR BARDAČA | sa 2 boda |
| 3. mjesto OOUR ŠARAN | sa 1 bodom |

Veslanje:

- | | |
|-------------------------|------------|
| 1. mjesto OOUR SANIČANI | sa 3 boda |
| 2. mjesto OOUR PRNJAVOR | sa 2 boda |
| 3. mjesto OOUR BARDAČA | sa 1 bodom |

Nakon utvrđenih ukupnih rezultata lista takmičenja ekipa izgleda ovako:

- | | |
|-------------------------|--------------|
| 1. mjesto OOUR BARDAČA | sa 14 bodova |
| 2. mjesto OOUR PRNJAVOR | sa 12 bodova |
| 3. mjesto OOUR SANIČANI | sa 8 bodova |

Po proglašenju pobjednika izvršena je podjela pehara, koje je u ime IO SS RO »Riboprodukt« pobjednicima uručila predsjednica Mandić Desa. Nakon podjele pehara o radu i razvoju ove radne organizacije govorio je direktor drug Davidović Lazo koji je tom prilikom rekao:

»RO ‚Riboprodukt‘, Prijedor koja posluje u sastavu AIPK ‚Bosanska Krajina‘ Banja Luka formirana je i počela sa radom 1. januara 1977. godine. U sastav radne organizacije ušli su ribnjaci Bardača, Prnjavor i Saničani, te Šaran Bosanska Gradiška.

Prije formiranja radne organizacije proizvodne su OOUR su poslovale u sastavu drugih OOUR-a kao jedinice udruženog rada. Proizvodnja po jedinici površine bila je jako niska i kretala se u prosjeku oko 800 kg, dok je plasman ribe kroz maloprodajnu mrežu bio neznan.

U prvoj godini rada radne organizacije težište je dato organizacionom i materijalnom osposobljavanju, a u prvom redu povećanju proizvodnje i prometa.

Godine 1977. organizacija je raspolagala sa 2 058 ha proizvodnih površina na kojima je ostvarila bruto proizvodnju od 1 759 tona slatkovodne ribe, a prinosi po hektaru su iznosili svega 854 kg uz koeficijent u ishrani od 3,30 kg.

Iz godine u godinu prinosi po površini su se povećavali, a koeficijent u ishrani smanjivao, što se pozitivno odrazilo na rezultate poslovanja, tako da smo u 1982. godini u odnosu na 1977. godinu imali veću proizvodnju za 11%.

Kod prometnih kapaciteta na malo broj prodavaonica povećan je sa 14 na 17 a promet kroz iste je povećan za 95%.

U međuvremenu OOUR »Šaran« je izgradio skladište za morsku ribu kapaciteta 110 tona s odjelom za pakovanje ribe.

Značajno je napomenuti da je organizacija u proteklom periodu uspjela osvojiti tehnologiju proizvodnje mladi uz prirodni mrijest, tako da se u posljednje tri godine isti ne nabavlja sa strane.

Pored proizvodnje i prometa ribe, organizacija raspolaže sa privrednim lovištem za pernatu divljač gdje postiže značajne rezultate u ostvarivanju deviznih sredstava. Važno je napomenuti i to da je organizacija povećala broj zaposlenih sa 215 na 259 radnika.

Poslije govora direktora RO »Riboprodukt«, u ime svih učesnika ovog susreta direktor OOUR-a Prnjavor drug Jovičić Drago uručio je skroman poklon drugu Čiriću Milivoju, iz Beograda. Uručujući poklon drug Jovičić je rekao: »Imam posebnu dužnost i čast da danas nakon završetka susreta ribarskih radnika u našoj sredini pozdravim goste, radnike Ribarskog gazdinstva Beograd, a posebno druga Čirić Milivoja dugogodišnjeg saradnika naše radne organizacije. Radnici naše RO su odlučili da drugu Čiriću za njegov dugogodišnji rad dodijele jedan skroman poklon, koji će ga podsjećati na sve ono što nas je vezalo u našem radu. Kad smo odlučivali na koji način da mu se zahvalimo, bilo je više prijedloga. Jedan je bio da naručimo bistu tolstolobika, ali su se pobunili drugovi iz Bardače govoreći: »Šta je sa našim šaranom,« dok su drugovi iz Saničana nastojali da se ne zaboravi njihova babuška. Pošto je taj proces usaglašavanja malo duže trajao, a da bi svi bili zadovoljni, odlučili smo da kupimo ova tri znatnika. Najmanji je za babušku, srednji za šarana, a najveći za tolstolobika. Jedno koristim prilikom da u ime svih vas zaželim drugu Čiriću mnogo sreće i uspjeha u daljnjem životu.

Po predaji poklona radne organizacije, direktor OOUR-a Bardača drug Usorac Slobodan je također uručio skroman poklon svog OOUR-a.

Na istoj svečanosti je ispraćen i jedan radnik OOUR-a Prnjavor, koji je nakon dugog i teškog rada otišao u mirovinu.

Na kraju ove svečane podjele nagrada i poklona službeni spiker ovih susreta proglasio je Treći susret ribara RO »Ribopromet« zatvorenim do idućeg susreta na »Ribarijadi '84« u Bosanskoj Gradišci maja 1984. godine.

Nakon ovog programa prešlo se na onaj drugi dio, koji je bio još ljepši i interesantniji. Uz dobro piće, toplu jagnjetinu i izvanrednu bosansku muziku, družilo se do kasno u noć. Dakako, nije izostala ni dobra pjesma i igra.

Na kraju moramo napomenuti da su i ovi susreti dokazali kako se uz skromna sredstva može družiti, širiti drugarstvo i prijateljstvo među ljudima, te bratstvo i jedinstvo, ta divna tekovina naše revolucije. I baš zbog toga su se bosanski ribari dogovorili da se ponovo sretnu u maju iduće godine, uz poziv svim ribarima Jugoslavije da se ugledaju na njih.

Milan Grubešić